



partii naleraq

22 Maj 2019

UPA 2019/197

**Angallatit tingerlaatillit nunatsinnut tikikkaangamik isaaviup kingumullu nunatsinniit aneqqinnissamut isaaviup nakkutigineqarnissaat atatillugu apeqquteqaat aallaavigalugu Inatsisartut oqallinnissaannik siunnersuut.**

(Inatsisartuni ilaasortaq, Laura Táunâjik, Siumut)

Apeqquteqaat aallaavigalugu oqallisissiami saqqummiisoq Laura Táunâjik, Siumut Partii Naleqqaminngaaniit qujassuteqarfigaarput.

Angallatit tissiartaatit nunatsinnut tikikkaangamik isaaviup kingumullu nunatsinniit aneqqinnissamut isaaviup nakkutigineqarnissaat atatillugu Partii Naleqqamiit ima oqaaseqarfigissuarput.

Nunatsinni ujaqqanik pinnersaasiassanik nalilinnillu anngiortumik annissuinissaq Partii Naleqqamiit akueringilluinnarparput.

Tissiartaatini umiarsuaaqqanillu sinerissatsinnut angalaniartunut malittarisassaqaqtariaqarpugut nunamut illersuisussamik ujaqqani pinnersaasiassanik ujaqqanik nalilinnillu anngiortumik annissuinissaq akueringilluinnarutigu.

Nunap inui akuersissuteqaratik ujaqqanik pinnersaasiassanik ujaqqanillu nalilinni katersuisinnaatitaanngippata taava aamma nunani allaneersut akuersissuteqaratik katersuisinnaatitaassanngillat, sakkortuumik iliuseqarfigineqartariaqarput tissiartaatit umiarsuaaqqallu sooq kangerlunni piffinni ataatsimi ukiut tamaasa tikittalersimanersut.

Allaallumi takornialerinnikkut suliaqartut Tasiilami ukiut tamaasa tikittalersimasumi apersuisoqarnerani tissiartaat geologimik ilaqarluni tikittuaannalersimasoq toqqaannartumilli nunatsinniit anisarluni illoqarfik aqqusaaqqaarnagu, akuersaarneqarsinnaanngilaq tassa ujaqqanik ilisimasalimmi ilaqarlutit ukiut tamaaviisa kangerlummumut piffik ataatsimut pisalersimanerani.

Anngiortumik ikiaroorartumik eqqussuineq akuersaanngilluinnarparput taamaattumik ilanngaaserisut amerlanerit atorfissaqartipparput illoqarfinni isaaffiusuni umiarsuarni timmisartoqarfinnilu avataaniit nunallu iliuni angalasuni ilanngaaserisut misissuisartullu atorfissaqartilluinnarparput.



## partii naleraq

Nakkutilliinerulertariaqarpugut nunatsinni anngiortumik annissuineq eqqussuinerlu unitsilluinnartariarparput, umiarsualiveqarfinni nunanit allani isaasuni nakkutiginninneq pingaaruteqarluinnaqqissaarpoq ukiumummita ujaqqat nalillit qanormita annertutigisumik nalillit anninneqartalersimappat ullumikkumut aappaatulli anngiortumik ikiaroonartumik eqqussuisut qanormita annertutigumik eqqussuippat.

Mittarfeqarfinni nunani allani isaaffiusuni qanorta annertutigisumik ikiaroonartumik eqqussuisoqalerpa nunat allat ilinniarfigalugit nakkutilliineq ilinniartariaqarparput tikittut tamavimmi sillimaniarnej eqqarsaatigalugu x-ray (nassatanik assiliissutit) pilersinneqartariaqartoq ullutsinni tulluarnerusut allakkanik poortukkanillu assiliissutit assersuutigineqarluarsinnaavoq Kulusuk Island-imut toqqaannartumik angallattoqarpoq tassanittaaq aamma poortukkat allakkallu ikiaroonartumik imaqaratarsinnaapput annertunerusumilli nakkutigisaanani mittarfeqarfik ilanngaaserisunik.

Taamatut oqaaseqarluta ataatsimiititaliamut susassaqtumut ingerlanneqarnissaa innersuussutigaarput.

Qujanaq

Emanuel Nûko